

Ҳожиларнинг ғусл қилиши суннат бўлган ўнта амал



19:30 / 05.08.2019 2170

Ҳожилар ҳаж қилиш жараёнида ғусл қилишлари суннат бўлган ўринлари ўнта бўлиб, бунга ҳожилар амал қилишлари керак бўлади. Улар оддий покланиш - чўмилиш бўлиб, фарз ёки вожиб амаллар ҳисобланмайди. Бироқ, савоблар ортиши учун бунга амал қилмоқ мақбул амаллардандир:

- 1) Ҳожилар эҳром боғлашларидан аввал ғусл қилмоқлари суннатдир.
- 2) Маккаи мукаррамага киришдан аввал ғусл қилмоқ суннатдир.
- 3) Арафот майдонида туришда ғусл қилмоқ суннатдир.
- 4) Муздалифа тоғи ҳудудида туришда ғусл қилмоқ суннатдир.

- 5) Зиёрат тавофини қилмоқ учун ғусл қилмоқ суннатдир.
- 6) Катта шайтонга тош отиш учун ғусл қилмоқ суннатдир.
- 7) Кейинги куни шайтонга тош отиш учун ғусл қилмоқ суннатдир.
- 8) Учинчи куни шайтонга тош отиш учун ғусл қилмоқ суннатдир.
- 9) Садр тавофини қилмоқ учун ғусл қилмоқ суннатдир.
- 10) Мадинага кириш учун ғусл қилмоқ суннатдир.

Бу вақтларда ғусл қилмоқнинг суннат эканлиги ҳадиси шарифлар орқали маълум бўлган. Ҳанафийликнинг «Баҳр ар-роиқ», «Радд ал-муҳтор», «Канз ад-дақоиқ», «ал-Баҳр ал-амийқ», «Минҳат ал-Холиқ» каби фикҳий манбаларида бу ҳақида қайд қилинган. Муҳаммад Юсуф ал-Баннурийнинг «Маориф ас-сунан» асарининг олтинчи жилдида ҳам бу ҳақида сўз юритилган.